

容

齋

詩

集

容參詩集卷九

綿上茹綸常文靜

卧遊集

屠維赤奮若

余夙嗜典籍復耽書畫故凡生產歲入之餘  
悉置是物暇日展閱率多題識聊用自怡且  
當卧遊焉

題文與可墨竹

吾聞文湖州寫竹乃病耳終歲每逡巡吾病亦良  
已胡爲好事家韞材迭相侈惟我愛此君披圖亦  
自喜第惜古人往真贗苦難擬藏說石涼楊題羨

西涯李二公固風雅或亦非益美因憶玉局翁當年辦香此

正月五日雪中招諸同人小集次西郊韻

披擎成佳會閒庭爲掃除春風人日近柳絮雪花餘淑景能娛客新詩更起予吟懷又隔歲好藉酒杯舒

原韻

大廩

春風吹六出故放到堦除人集蘭香侶樽傾竹

葉餘色綠偏愛汝

時讀容齋  
戊子詩卷

素髮獨憐余索賦

盆梅好當筵笑靨舒

早春雪中集蘭谷敦說艸堂

雨雪連朝急春風欲試燈捲簾酣興發近座峭寒

增名飲推中散

謂西郊

高人憶右丞

是日田夫未至

擬圖重

戴客浣筆復誰能

上元前二日集素亭齋中

快雪初晴日風光接上元招邀勞柬札笑語雜琴

樽粉糝盤餐好春城鼓吹喧却愁歸路滑燈火入

黃昏

董帷園刺史不入城市者十餘載獻歲年

七十矣親交勸駕始一至焉因過予山房

留宿次日適以他事過歸賦此見意

城市人爭識高風見使君十年纔一到尊酒只論  
交春好偏宜雪窻昏不耐雲明朝誰促別空自惜  
離羣

和田夫先生春日雜感八首

柳色禁寒綠未齊連宵雨雪釀春泥鏡中鬢早因  
愁改醉後詩多信筆題落落生涯仍刻鶴茫茫人  
海罷然犀相看詎少支郎眼只恐難逢刮膜錐

愁緒真如理亂絲青春常負看花期甘心人每仇  
睚眦強笑吾方愧面皮羣從一門王濟叔交游幾

輩蔡充兒千金長物渾閒事莫便謀生效販脂

盤餐殊勝五侯鯖佳客相逢眼倍青

時詞帷園西  
郊集田夫齋

中 小曰我曾誇了了老懷君尚惜惺惺判花偶識

嵇含狀淪茗閒讐陸羽經莫悔隨波遭點額沉鱗

早已倦南溟

西郊詩有點額  
悔隨魚貫侶句

又近蘭亭祓禊晨園林空擬門閒身寓懷書味兼  
禪味隨意詩人復酒人郭外鶯花應日好眼中世  
態與時新何當更踏狐岐路勝水春風浣市塵

報國誰能老據鞍廿年辛苦悞儒冠書生豈解治  
安策壯士休歌行路難萬里旌旗推馬援一時鹽

鐵想桓寬元功計日標銅柱笳鼓歸來夾道看  
鞦韆院宇乍陰晴好鳥時聞求友聲酒可藏身非  
大戶詩難爭長是長城塵凡懶把浮邱袂汗漫空  
歌孺子纓莫笑年來憔悴甚輸人萬事只科名  
墓田春燒辨微茫寒食風光又斷腸寶馬香車連  
上巳清歌妙舞接平陽沅湘騷步哀山鬼淮海詩  
篇笑女郎結習只今應未減更誰焚取紫羅囊  
意氣真堪百尺樓新歌白雪詎能酬我生命亦在  
箕斗世事風寧論馬牛春艸夢思紫袿恨杏花消  
息殢閒愁奚囊此又嘔心物一笑同君狎海鷗

卽事

一龕新禮辟支佛七椀頰叅桑苧翁貝葉懶繙茶  
罷啜倚窻閒對落花風

題周東邨三顧草廬圖二首

紫髯固差勝阿瞞安足云南陽起高卧猶憶左將  
軍

草廬枕林薄梁父吟未已殷懃三顧心千秋羨魚  
水

題林良蘆鴈

林良翎毛夏昶竹岳正葡萄計禮菊

天順中語見  
顧清東江集



就中吾更愛錦衣水墨淋漓快心目何年放筆寫

斯圖草書幻出鴈與蘆

圖繪諸書皆謂良畫道清勁如草書人所不及

澹亦復具神采采奔洲巖言無乃誣

藝死巖言謂良畫頗見清澹而

無神采

題王麓臺做趙文敏松溪仙館圖

昭代畫手誰第一過江三王數煙客諸孫才調更  
翩翩麓臺學士稱高格一時綠素速流傳輦下貴  
人幾敦迫蠶尾尙書妙品題烟波翰林以詩易松  
溪仙館做吳興遙接真堪當半席蒼蒼嵐氣開空  
濛謾謾天風落咫尺奉常翠墨得未曾

子舊藏王右谷畫冊

首有煙客  
隸書四字  
得此亦復稱創獲半堦落葉敲踈寮二

日摩抄對妙跡

題邊文進畫鴨

禾下得兩鶉  
毫髮具生  
態不媿君家  
鸞千秋稱妙  
繪

孤岐途中卽目漫成兼呈同遊諸公

得閒復住招  
翛然發幽興  
軟塵背郭門  
輕策向山  
徑落絮尙濛  
濛感茲春景  
剩石桐數里  
間青冥遞  
相映兼之衆  
籟清一洗人  
世聽飛流更  
超越轉覺  
心與競望古  
溯及岐四載  
涉寥曠水注  
匯山經千

秋可互證何必修禊遊乃擅觴詠勝日午卓松陰  
風和恬鳥性因思勝水源澄綠定如鏡霞賞契烟  
霞險韻諧競病糠粃前簸颺怡悅此持贈還期白  
雲吟報遺及不佞

宋奎聚招同梁學圃夫子帷園田夫西郊  
蘭谷游勝水二首

已過餘寒祓禊天

上巳日遊人蟻集山水清音不無少減

好從修景

集羣賢勝情自謂同元度佳句誰堪繼謫仙

四壁多新

遠目欲窮千里外重遊空感廿年前

余不至孤岐已廿餘

歲

青山遺廟瞻明德

祀祀堯舜禹

猶有輶轡往蹟傳

飛閣憑陵碧樹橫  
照人山色復崢嶸  
奔雷競注三河水  
斜日低迷六壁城  
羨喜眼前無俗物  
翻憐身外總浮名  
何時婚嫁粗能了  
真許辭家學向平

勝水道中晚歸

野澗千家靜  
林昏萬木稠  
天風吹半醉  
人影散平疇  
歸路見新月  
前溪聞遠流  
底須問幽興  
隨處得淹留

題西郊先生戊子詩稿四首

風格元和大  
歷前朱絃疏  
越果堪傳世  
間真賞無摩詰  
誰寫吟詩孟浩然

鏡裏頭顱迴自奇錦帆終古憶亡隋何期獨渡山

人死

蜀處有隋宮詩

又見雷塘幼婦詞

君王屢作揚州夢博得雷塘好墓田

集中讀隋書句也

漫從流別湖三唐墨瀋淋漓逸興長

集中有讀唐人詩廿四首

會得論詩微旨在瓣香真許爲漁洋

自題詩集有瓣香敬爲斯

人惜句指漁洋也

君負高才方襲美我耽佳句愧天隨午窻人靜開

吟卷猶憶松陵唱和時

先生數年來多與子唱酬

李陵墓

北入單于事惘然玉門關已謝生還天山萬里悲

蘇武蠶室千秋痛馬遷荒塚獨留連夕照高臺何

處隔風煙

雲中有李陵臺

家聲猿臂難回首空有河梁五

字傳

賈侯墓

侯名渾晉惠帝時爲介休令劉元海將喬晞犯介休侯死之夫人宗

民殉焉事具晉史

五部馮陵百戰威千年碧血尙依稀東宮人事真  
成錯南度天心竟莫違荒塚颺颺迷蔓草孤城鼓  
角見斜暉閨中樞緯還同烈常許陵岫接翠微

春日歸自東郊小憩邑侯史公祠

踏春郭外日斜時一路殘碑並去思獨有甘棠遺

愛在青山常護史侯祠

送梁以安遊五臺山二首

五月人間襍穢忙羨君杖策禮清涼此行龍樹菴  
前過正有天花作道場

叶斗峯橫佛雪留炎天重整木棉裘歸裝乞我名  
山咏便好蕭齋作卧游

雨後二首

頓覺炎威失條然興不窮坐來空翠落花傍夕陽  
紅院靜初過雨窻虛自引風端居還足恥未敢詡  
墻東

雲氣連山足庭陰向夕稀吾廬有如此巢燕未全  
非腐艸還沾屐繁花欲染衣空憐今雨好翻與故  
人違

送王紀于之京師二首

悵斷河梁別思繁匆匆風笛御離樽那堪東望并  
州路一片青山障土門

半載襟期苦未申

紀于自濟南甫歸半載

分攜更復事蹄輪

知君尙有干名意五月京華踏軟塵

漢槐謠

有道祠前

中郎之碑已非故神物天教表邱墓紛紜魏晉閱



千秋天矯蛟龍起十步滄桑空見劫灰存亡國茫  
茫憶黨錮高義何從弔鷹滂清風真足冠厨顧瞻  
烏誰屋固堪傷望門投止亦何誤何如此樹老烟  
霞孔檜召棠若或遇苔蘚慘裂幾百圍白日沉沉  
俯官路且幸不及祖龍封翻喜能逃匠伯妬花黃  
常笑逐緇塵蟻夢營營只旦暮君不見錦官城外  
丞相祠終古喬柯悲漢祚河汾杯土有道阡塋巾  
於今有餘慕長調少陵古柏行莫誦子山枯樹賦

城東詢劉武周塋處有感鄂公往事

喬木烽煙外孤城感慨中亡秦多鼠竊歸漢有梟

雄遺壘陰燐聚鳴笳夕照紅頭顱一抔土相傳城之東隅

只恐其首誰爲酌秋風

秋夜對叢菊有感寄蘭谷

佳種新從靖節移諸菊多出蘭谷別墅中一庭踈影正離離

茶香酒熟花開日風急天高鴈過時坐處已空塵

世慮看來真有故人思古詩只有黃花似故人良宵翻笑增

惆悵又擬餐英讀楚辭

吹帽寧將短髮羞踈枝冷蕊若爲酬生涯似此容  
吾傲風景依然對客愁三徑繁霜存晚節一燈寒  
雨入深秋何當高咏南山句清酒同君泛瓦甌

西郊以久不見余投詩致詢用韻答之

有客經旬款敝廬崢嶸况值歲將除文園病與嵇  
康媿莫訝無聞作報書

題陳祿山水

陳祿字誠將  
勝國時人

葉新林換綠花發水生香詩句真娟好丹青遠擅  
場何當過吳下遺蹟訪誠將

首聯即  
圖中句

題殷偕畫

殷偕字汝同金陵人善子父子  
皆以花果翎毛得名見圖繪寶

鑑續纂畫

史會要

讀畫至勝朝折枝愛殷善厥嗣復有偕斯技稱衆  
擅遠希徐黃能近窮邊戴變枸櫞香欲勻佳禽色

尤炫亦如誤墨蠅觀者目爲眩固知磅礴時筆端  
化工現迄今三百年鑒賞定誰見三日供摩挲對  
之忘飢倦

題馬遠畫

北宗名筆幾收藏院體千秋並擅場獨少題詩楊  
妹子殘山剩水憶錢唐

題趙文敏畫

小閣蕭疎臨老樹依稀多恐是梅花何人隱几前  
山雪漠漠寒林已半遮

題龔半千山水

印壑供高寄筆墨入幽賞夙聞掃葉樓披圖一神

往

半千別號柴丈人常自寫小照作掃落葉僧狀因名所居爲掃葉樓

題呂紀蘆鴨二首

蕭蕭蘆荻冒鳧翁神品崔徐訝許同漫笑鷺欄真  
作劇任教閒却竹枝弓

刻鵠無端柰爾何披圖猶憶背團窠一生安穩菰  
蒲老輸與能言減脚鷺

同作

佑

碧蘚青蒲遠澗田蕭蕭淡墨靄雲烟世途不少  
風波險輸與沙禽自在眠

大廩

鷺溪儼見陸家禽終老菰蒲寄興深無賴王孫  
休錯認一泓秋水彈丸侵

題王石谷鷄聲茅店月人跡板橋霜詩句

圖二首

雲樹靡靡曉色寒板橋重向畫圖看底須更溯登  
叢險始識人間行路難

鷄聲茅店真佳句妙繪虞山老畫師安得詞人劉

一止披圖重賦曉行詞

宋劉一止嘗賦  
曉行詞得名

容齋詩集卷九

容齋詩集卷十

綿上茹綸常文靜

輟絃集 上章攝提格

匠伯廢斤於郢人牙生輟絃於鍾子此支公  
所以悲也田夫先生歿於庚寅是集雖不盡  
哀悼之詞而取名輟絃亦以感知音云

哭田夫先生四首

成佛生天更莫論悲君聊復與招魂一時頓覺風  
流盡千首惟看卷什存每爲絕交思叔夜翻從慢  
世憶文園最憐零落音塵斷幾度沾襟哭寢門



自昔相逢眼倍青，高風常繼汝南評。固應於我兼  
師友，可柰斯人隔死生。九折時方推大隱，五言今  
已失長城。空山馬鬣還遺恨，婚嫁終輸向子平。

晨夕從今少素心，摧絃真擬謝知音。舊游落落山

河渺，泉路茫茫歲月深。弔古止堪傳絕筆，

君歿前數月有

賈侯墓詩

感懷空許發悲吟，向來樽塵依然在。贏得清

風憶竹林。

蒿里吟成祇自悲，青燈風雨益淒其。百年彈指嗟  
何速，十載論交恨已遲。家計從教愁健婦，父書終  
是望諸兒。蓋棺此日知無忝，朋舊誰刊第二碑。

帷園先生初度詩以祝之

歲月荒邨久詩篇白髮新幾年遊宦客七十過頭  
人貧豈陶元亮狂猶賀季真平生有遐契好愛薜  
蘿身

畫意

摩詰詩中見雲林筆底看夕陽鴉背淡野渡雁聲  
寒幾疊山平遠三間屋破殘憑誰論逸格真是解  
人難

讀史二首

盛滿居不易始終理無訛豈曰非智勇困於所溺

何亞次固英雄焚如誠堪嗟嗚呼伶官傳乃有敬  
新磨

干戈起骨肉異類爲父子况彼義兒軍率皆虜武  
士雖云親疎乖亦收指臂使何如劉山人乃至爲  
女耻

題五代史後

唐去丑口亂未已五經兒遂作天子紇干山頭雀  
不飛楊劉旋復嗟豹死伶官天下何足云石郎亦  
兒皇帝耳紛紛漢周能幾時殿前點檢天所啓殿  
前點檢天所啓韓通無傳垂青史

寄孫默菴觀察二首

曾向西曹謁後塵幾年依舊法官貧  
平章家世高三晉觀察勲名重八閩  
薄譴未經沙磧遠深恩旋復繡衣新  
棘廷試看昭平允爲問何如讀律人  
冀域高牙舊有聲合河相公會爲直隸制府  
朱軒重見擁新旌卅年膏澤沾畿輔  
兩葉葵傾答聖明涑水只今思祖述  
郎山終古憶陽城故人自分雲泥隔  
尺素空緘望遠情

綿山書院落成長句呈王邑侯

前年濟河渠今年營講院豈惟愜輿情  
要使士風

變有明蓮芍稱賢侯

謂渭南史公

一時學校爭歌謳百

餘年來風漸歇  
桃達或爲青紵飛  
鳧詎意來仙  
令彈琴先後堪  
輝映廣厦真見  
庇諸生中和樂  
職交相慶被汾  
一曲波洄滌綿  
山綿亘何崢嶸  
陶唐遺俗雖已  
遠鍾靈豈遂無  
奇英况復餘徽  
垂前哲忌坂高  
風凜奇節黨綱  
傳尊郭林宗黨  
人碑重文忠烈  
臯比從此勤栽  
培爲國植幹儲  
良材柳羨彭澤  
五株種花愛河  
陽一縣開君不  
見西河設教最  
近古北面文中  
有房杜只今鹿  
洞敞規模萬歲  
千

秋頌名父

柳

柳是傷心樹長條復短條  
陌頭春濯濯驛路日蕭蕭  
蕭哀怨論羌笛婆娑憶楚腰  
底堪攀折盡重問灞陵橋

題溫徹畫竹

柯亭空惜賞音難無限  
清風筆底看記得天寒倚翠袖  
數竿相對影檀欒

天來畫品冠吾鄉  
寫竹溫徹更擅場  
好事只今無老可何人爲作墨君堂

同賦

大廩

專門寫竹温公子真蹟多從醜石看

相傳時有老儒好

畫石而不工與温交厚見温畫竹必添石其根故温畫以有醜石者爲真

此幅君藏

須什襲渭川千畝儼毫端

東絹橫量四尺強絲筵隱現妙難詳西河記得

看煙景比似同升老可堂

余在汾州曾見温畫烟竹大幅妙入神品

讀杜工部戲爲六絕句有感

碧海迴風望淼茫多師無復問津梁千秋庾信文章在猶有羣兒故謗傷

當面輸心背面笑

杜

紛紛輕薄劇堪哀少陵豈是

邨夫子僞體憑誰更別裁

咏懷二首

憂思爾何物乃能凋朱顏嗟彼同心人中道相棄  
捐眷言邱與墳宿草復芊芊感愴念平生中懷苦  
相煎歲華惜晷晷莫挽東逝川悔不學安期超然  
謝塵緣

嗟彼南山鳥相將營其巢豈不惜辛苦方且愁漂  
搖豈不甘飲啄亦自愛羽毛燕雀笑處堂鴻鵠羨  
冲霄胡爲嘉林中乃更有鴟梟

送龍安太守馬春榆奏最入觀

龍州昨報使君還露冕爭看向日邊五馬聲名天



柱迥九秋雲物薊門偏朝端已見推黃治劍外徒  
聞借寇賢鄭重此行霄漢近碧幢只許待三年

虞美人

舊識春風面悲歌懶重題傾城顏色好猶自怨虞  
兮

遣興

菊叢綴新黃苔紋黯餘綠到門人跡稀開簾延朝  
旭懷抱適寡營一卷正堪讀堅冰戒履霜重載慮  
折輻平生一片心偶爾不諧俗何誰矜雄飛而我  
安雌伏閒烹石鼎茶松風聽初熟

重陽後一日欣木招同張獻采宋子敦西  
郊女爲集劍虹齋觀所藏書畫

劍虹主人雅好事叢菊開時遲我至入門且喜無  
殘賓故人儒素只三四酪奴罷啜謝塵談玉躑金

題許相示畫院好手呂紀與林良三百年來莫軒

輕華亭尙書文敏真天人太原高士青最奇肆下逮

石谷王翬上宣和徽宗名跡紛淪皆不媿卷舒抵手安

足辭真贗何須辨題識史皇倉頡古聖人書畫之  
源本一致大約要在絕纖塵醞釀更欲求深邃畫  
師之畫算子書人或有取我則棄書臻大雅畫老

蒼好向明窓商位置摩抄短視

謂西郊

亦復佳寒具

豈容輕垢膩簾外短景苦匆匆落葉空階聞疎吹

座中有酒復有花人生嘉會良非易半壁山房昨

縱觀

旬日前觀帷圖所藏書畫

茲來益覺快吾意獨惜樽前少

一人

謂田夫

翻從鑒賞增長喟世閒萬事幾推遷雲

烟過眼誰能記興狂真擬盡君歡玉山拚倒東籬

醉

閱綿津山人論畫詩偶題

遠推元四家近誇畫九友耳食亦紛紛誰識濁堂

叟

謂青圭先生

有倪方稱雅如仇自入時千秋有真賞定自解微  
詞

吾愛兩交傲風流異代聞近時少具眼真屬苦難  
分

書畫舫能記珊瑚網可稱無何高論列更有兩中

丞謂下中丞丞譽  
宋中丞牧付也

菊下初嘗桑落

破帽多情莫浪猜菊叢且自試新醅好詩記得查  
初白哆口長瓶壓手杯

偶檢篋衍題書巢詩後

小異舊曾推此客長才今已失斯人伍塘路有經  
由日一澀松根弔伯倫

書巢以酒病  
遂至不起

西郊屢寄詩索和用韻奉答

秋來抱疴思寒澁一燈時讀貝多葉城西詞客老  
健吟詩篇不憚寄重疊我如湜籍走且僵硬語盤  
空氣爲懾偏師詎敢近長城狹巷聊爾短兵接興  
酣落筆意未降永夜詩成風颯颯

一笑山房與西郊夜坐有感田夫書巢兼

寄帷園三首

憶昔聯吟日詞壇角兩雄故人俱不作茲後復誰

同月黑青楓暗宵深短檠紅凄然塵榻在相對尙  
忡忡

寂寞帷園叟生涯感慨中一官如夢短垂老復途  
窮名反南州重樽偏北海空相思視今夕惆悵倚  
簾東

一自應劉逝惟君許數來清貧還徹骨白髮幾憐  
才屈指論三益傷心賦八哀九原呼欲出風雨逼  
人來

九日會某翁葬道經先外祖故居

傷逝北邙間感舊酒罇下况復值登高悲風慘嶽

櫺華屋與山邱羊曇淚盈把

題鶴亭松雪高士圖

幾多飄薄霜威重如許鬚眉道氣濃料是歸來驢  
背後相看只有歲寒松

知是天台第幾株六花飛處鎮模糊幽人別有衝  
寒興不做袁安卧雪圖

次西郊不寐韻

枕上哦詩做鮑溶

明人句

知夢未與未應慵何當來

共山窻宿聞撥爐灰話夜鐘

原韻

大廩

映窓月色又溶溶老眼無眠卧自慵數得隣鷄  
三唱歇才聞一百八聲鐘

次韻

書常

夜闌人靜月溶溶老至愁多睡轉慵賴是此中  
冰雪淨不須深省發晨鐘

冬夜闌聊齋志異漫題

夜窓供蕭索寒飈暗青燈一編聊展閱百怪紛俱  
呈鄭門蛇內外魯廟鬼故新綬綬狐自媚蚩蚩物  
或憑固知拘墟見不語高自矜埋輪誰擬問妄言  
吾差能命筆涉渺冥多硯幾逡巡似此鬼董狐毋



乃類搜神

歲暮感懷

栢葉催新釀梅花稱故廬  
長安多故舊誰寄別來  
書

送蘭谷之雲中

歲暮冰霜迫嗟君復遠征  
難爲此時別無那故人  
情莫奏思鄉曲長歌出塞行  
應憐後夜月同照受  
降城

飲馬長城窟蒼茫四塞開  
清時罷烽火白髮老邊  
才野色連天濶笳聲特地哀  
好將懷古意直上李

陵臺

重送蘭谷

黯然真斷別離魂千里衝寒出雁門客路風沙連  
廣漠邊城鼓角近黃昏飛揚舊說雲中守慷慨新  
開雪夜樽射獵莫從青塚過琵琶哀怨總難論

往歲西郊惠歛硯有詩病未獲酬茲值殘  
臘稍暇出硯賦詩寄之

去年遺我龍尾硯頭風未愈目爲眩今年炙硯和  
君詩綿几明窓掃煩倦去年今年曾幾時我齒加  
長君就衰墨將磨人研亦爾著書勿使空委遲

寒夜讀韋詩

爐煙半銷歇，遙夜入孤迥。中懷冰雪淨，澹然杳詩境。萬籟寂不聞，棲禽時一警。近壁梅影橫，到窻月色冷。清絕愛韋公，冥情失馳騁。

題談龍錄

文章列宿耀天中，狎主齊盟有鉅公。不解談龍趙宮贊，一生低首鈍吟馮。

夜坐

苒苒年光速，寥寥夜氣清。空含無限意，詎爲不平鳴。習靜耽慈氏，忘憂憶麴生。獨憐窻外月，惆悵對

寒檠

客言介山禪林相望獨無介祠賦此寄慨  
不言祿於生不出山以死千秋志士心寧望後世  
祀

蜀人祠鄧艾吳人祠范蠡胡爲介山中翻不祀介  
子

西郊過訪失欵因寄以詩

詩篇空擬剪燈論投轄無端近酒樽最是歸來人  
去後半堦寒月尚留痕

西郊以讀余食肉戲作詩見寄奉答

菘心嫩白韭芽黃便已清齋似太常五日花豬糲

一見山厨祇有製蔬方

原詩有方法  
問花豬語

西郊旣和余詩又戲題見寄賦此答之

無何時復一中之不律那堪屢告疲從此好堅寒

歲約梅花香裏罷吟詩

時余以多吟發舊疴而  
君有怨醉人句故云

西郊以令子所書談龍錄見寄且詩佐之

因用韻奉答二首

鄭重談龍錄寄時從君更與阿戎期金根他日應  
無慮却羨生兒勝退之

遣我剛逢獺祭時冬郎綺麗漫相期冷灰殘燭關

情甚老鳳聲還憶畏之

雜詩

我年未四十頭鬚已半白况茲迫殘歲雜遝塵事  
積出門各有營誰能數晨夕感我平生交死生幾  
際隔關塞杳歸魂落月照顏色百年會同盡念之  
傷胃臆

日暮心不夷獨出少儔伴登高望隴塞縱橫列修  
阪嗟彼遠行邁黃塵蔽車軫游子類轉蓬處者若  
纏繭蹉跎歲云徂迢遞春已返悠悠思天涯臨風

托深眷

食粥戲作

分來口數出山厨乞米臨池記得無却笑冬春聊  
卒歲咄嗟便欲門齊奴

立春日作

土牛穀鯨擊未已綵仗早看東郊回偶值故人餽  
白炭又逢詞客吟黃梅大兒小兒不足數新歲舊  
歲空相催眼中突兀倒掖氣弄之一醉屠蘓杯

容齋詩集卷十

往同里有縣上山人詩集之刊四山人者蓋  
子惟園任子而郊伯兄田友及已故梁子秋皆  
也而皆不并焉蓋其時年甚少且未交  
諸先生也厥後宮中乃諸先生所賞識  
謂直而方篤而賢咸以畏及目之於是以花  
晨月夕即景抒懷相與酌唱幾于忘晷日  
弟如讀音中乃而愛之雖不敢自附於左乃  
者願諸先生皆不輕許人尤不輕譽人乃而  
獨者取吾容中則信乎其詩之工也今宮中  
著作日益富庚寅冬哀所休詩二正而十集附



諸同人唱和詩六間及拙什錄此亦以借四山人付刻之後而西之序者獨惟園函郊兩先生耳嗚呼秋苔誰矣而吾兄又復下世使莫俱在必西之弁言而樂道者豈不備善任已也同學弟凝高王儒謹跋

余初不知容也戊子遊平陸杜太史尋樂園  
乃聞容也名知其為晉人而已而未見其詩  
甲午渡河來晉故人張白尊遠遊海岳北  
出塞外弔青塚歸於晉藩朱石君署中聞  
余在臨縣乃扶病至臨相別於沁陽城外謂余  
曰在京師聞晉有茹容也者詩人也而未見  
其人寸田其訪之及余遊晉祠與柳南楊太  
史相見為傾蓋歡把盃指數晉詩人若傅  
青主胡季子吳天章諸先生外問當時人則  
首以茹君容也對余急問何邑人也則曰縣上

人也年方強而詩集已久行世矣余心儀之而未  
得見其詩明年乙未抵陽曲表姪閻念遠解  
元自繇上來出一冊示余曰此容叅詩也君屢  
索之故以相贈余亟取覽焉終十卷卷再讀  
之喜其真氣貫注自杼胸臆不染於俗氣古  
體尤勝而猶未見其人也又明年丙申夏六月  
乃隨舍弟誥任介休即所謂古繇上地也方思  
訪其人而念遠以容叅和余秋柳詩來示秋柳  
詩者余辛卯闈後用漁洋韻過和馮葵鄉之所  
作也及葵鄉補官貴州曾以瓊秋柳寄和逾

年始達余欲有以報之未遑也今見容參和秋  
柳乃用葵鄉後秋柳之名以和之兼以答容參越  
二日念遊復以容參和後秋柳束示從此得一  
相見喜其人靜穆冲和清癯如鶴神溢眉睫  
間書氣盎然坐談頃刻臭味相投夫乃有以  
見其人且見其詩也而其性癖於詩固亦無異  
於余特余之才不及敏學不及富耳遂為莫逆  
交時余適將歸去因又作續秋柳詩專答容  
參即以留別而容參又和之嗟乎千古之詩人難  
得千古之知己更難得得詩人為知己快矣而

生不必其同世也同世矣又不必其同時而得相見也同時相見乃不得白首為依倚樂與數晨夕一如電光沓影雲散風流儵焉忽焉耳矣則亦何為也哉雖然幸而相知又相見較之不知不見者未嘗不差強人意神交焉可也今余將別去容坐以後集詩囑為序之嗟乎余安知詩哉初余八歲時曾見先大夫與諸父日相吟咏為唱和心竊慕之稍長從叔父向山先生學為舉子業不教為詩六切學步於常夫以菴及力園伯父自汴歸來聽其緒論

翻不敢為詩畫焚棄所有者而空之力園伯公  
歿又不忍為詩者數年年十八遊學洛下乃稍稍  
為詩既而蒲圻張白蓴由余姊夫禹範村得  
見余擬騷諸篇大為許可不遠數千里而來相  
見於橫山余以先生事之而白蓴自居老矣每每  
以佳句相質訂自是而後乃暢然為詩詡詡然  
自號為詩癡乃今回思之真堪啞然一笑也壯  
年以後南遊荆楚北學燕京東西於梁宋秦  
晉間所見詩人文人不少夫乃嘆向者足不出戶  
連目不見豪傑無怪其夜即自大而敢自謂益

詩人也詩人固如是乎容參既博覽羣書復邀遊  
京師鄴下所交多名士以故其詩之迥異尋常無  
所不有也更可異者容參桑梓一時多詩人如王田  
夫梁秋谷董惟園任鹵郊張蘭若諸君者皆屬  
知交居共鄉井時相唱和余不識諸君未盡見  
諸君之詩因容參而知諸君皆詩人也乃嘆余  
岑寂荒山生平神交者多而所得與數畧多共  
筆硯者无弟姪外不過一二人而已白萼南社  
越省數千里三十年來纔再三相見耳比隣當  
以菴以貧移去櫻桃溝二十餘年於茲矣洛中

董雪嵐相離八十里又有何笠人何小山昆  
仲相交近二十年然亦課讀為業奔走天涯  
不得常相見朋友切劘之功少其他之久為泉  
下客及散處四方者無論矣然則余詩之遠不  
及容參夫何疑雪嵐為洛下一時之秀嘗學詩  
於余余知其工雅敏博尚避容參一籌白蓴以  
菴則存詩數千百或至萬餘首與容參可相  
侔佳詩亦無貴乎其存之多也以菴曾  
囑余點定其五七律各五百首謂余頗善推敲  
白蓴前年臨縣相見詩賦文章近萬餘卷余



目力所覽及者未半蓋一日之中為推敲改易者數十百處力勸其多刪少存以求其精寧使人恨其少不可使人厭其多竊恐白尊不用余言也請即以此為容空當留別之言可也若其詩之品第則自有容空之前後兩集在余固不能辨其何者為漢魏六朝何者為唐宋元明也其人即其詩耶世必有知之者

乾隆丙申大重陽日豫新安呂公溥髯癡氏拜書於介休官署

寸田此序向為多人借閱丁未以後集付梓

時適求弗得每用悵惘故於自序中及之  
迨今已未復刊續集見子景文忽於敗楮  
中檢得余舊所抄草稟不勝欣慰因手書  
以弁是集並識數語於後漫更如綸常

僕詩自辛巳始存萬朶凡十年王達溪明府  
延修邑乘考訂之暇勸付剞劂時年甫  
三十餘心氣麤饒浮不揣淺陋草刊布越  
六七歲詩格稍進乃用自悔偶一翻閱輒慙  
愧汗下遂奮然欲讀書卷氣以厚培魄力  
灑發精華希於古作者蓋失之東隅猶  
思收之桑榆也詎意人事牽纏倍緣絲擾  
更越十餘季迄不能底於大成而髮且種  
矣嗟乎舊學銷亡同諳略盡性靈日泯沒  
於塵氛雜沓中此後即使更有所作且恐不

能速今茲之我吾人無論已每欲掇拾敝  
簾中零箋敗楮並已刻者悉焚毀之願  
以多年所歷之境及離合悲喜之情略見  
於斯不忍遽棄兒輩屢以為言而親及好  
我者亦慨助梨東之費於是復強顏臥辛  
郊以後十七年之詩汰存十卷梓之舊有新  
安及人呂寸田序言失之因自識其顛末如  
此時乾隆歲在丁未冬至後二日也

族冠嶺山樵如綸常

容全詩集目錄

卷十一

昨非集八十八首

卷十二

綿上集五十二首

卷十三

三餘吟藁五十一首

卷十四

古芸書屋集六十首

卷十五

秋蛩集六十一首

卷十六

友聲集一百一十五首

卷十七

秦樹集八十三首

卷十八

歸與集七十五首

卷十九

獨吟集六十三首

卷二十

爛柯集七十八首

容叅詩集卷十一

綿上茹綸常文靜

昨非集

重光單麟

玄默靴徐

鄙性躁率凡事過多悔於詩亦然故名集以  
自訟焉若曰今是而昨非則吾豈敢

去冬帷圍傷足新歲余復蹈此賦詩寄之  
萬事蹉跎日三春涕淚餘歎憂纏慰爾同病復憐  
余失足翻平地懷人又索居如聞陶靖節花底有  
籃輿

西郊過慰傷足



閉戶寧高士

樂天詩閉戶病足非高士

艱虞歎此身吟鬚幾莖

白年事一番新君嬾愁殘客吾衰號半人試燈風

景好相過莫辭頻

元夕李曉園席上觀剝漫成

萬點星球夜未澄徵歌剛喜及燒燈半人自笑頰  
唐甚意氣從教讓五陵

海嶠徒聞駕六鰲當筵生澁試檀槽春宵一曲憑  
誰顧座上周郎已二毛

璧月珠燈共一堂六街烟火正匆忙何須角觝魚  
龍技已是人間百戲場

金鎖層城徹夜開  
紅牙檀板儘徘徊  
輪他紫陌鈿車好  
夾道行歌聽落梅

幾番料峭任東風  
六曲屏圍絳蠟紅  
莫打花奴十棒鼓  
衣香人語正匆匆

閒愁觸忤聽吳歛  
懶逐遊人過九衢  
記得帝城春正好  
紅靴十隊舞氍毹

漁洋句

卽事

一榻蕭然興不孤  
沉烟初試博山爐  
坐來蠟炬春宵好  
閒看兒童賽紫姑

小立

竹杖閒憑小立時春陰檻外雨如絲東風幾日寒  
仍淺已放輕黃到柳枝

呈梁確軒夫子

先生以詔舉經學歷官  
大司成平生尤邃於易

河洛真源白首窮解經重席更誰同久聞太學尊  
韓愈尚憶諸生侍馬融束帛偶膺吾道重抽簪未  
許主恩隆門墻最是閒槐李廿載依然仰未風  
上巳前一日偶作

春風欲上已輕寒釀微雨深院落花飛垂簾對無  
語

偶至佳興園爲闈者所阻有懷蘭谷雲中

名園入望與偏餘  
幾樹垂楊映水斜  
可惜我來春  
又去午風吹墜  
隔墻花

翻堦應有好花枝  
櫻筍剛逢四月時  
却爲將離更  
相憶邊城消息尚遲遲

新霽

殘雨連新霽  
清風近夕陽  
拂簾花氣重  
入檻竹聲涼  
聊復驅蠅怒  
時還渡蟻忙  
底須銷夏計  
高枕夢滄浪

借西郊過訪帷園道中卽目二首

觸熱三庚日  
同行背郭門  
芙蓉紅飈水  
桑柘綠連

邨烟霽開山色沙平落漲痕却思河朔飲避暑正  
堪論

十里城東路千重野色濃衝泥遲薄笨當暑怯輕  
容幾息塵中駕能希物外蹤相知復誰是空許說  
劉夔

讀書

池塘過新雨枕簟微涼生流雲澹喬木冷露含夕  
英一卷讀黃老黯然對踈繁幽興不能寐感茲耳  
目清

題容叅讀書詩後

大廩

夕英喬木讀書堂十字哦來楮墨香  
解道微雲踈雨句詩人不獨孟襄陽

咏古二首

陸行乃乘車水行乃乘舟而何覆轍患兼之胥溺  
憂始知宇宙內感召類有由福或禍所基榮或辱  
與謀况復櫻世網動卽招悔尤雄飛謝雌伏齒剛  
輸舌柔遐哉五千言曠世誰能侔

狐趙早皂吏絳灌皆王侯盛衰詎可測貴賤誰能  
謀貪夫計須臾志士重千秋固知視負未無以異  
鳴騶保真旣內足棲冥何外求嗟彼夸毗子楚楚

如蜉蝣不聞太廟犧文繡嗚莊周

酬胡耦山孝廉卽送之都門

人生貴知己詎必在杯酒天涯若比隣

王勃句

詎必

在聚首蘭言意外投推獎意良厚固知抱風尚風  
雅期不朽家近若耶溪人地杳難偶重過黃金臺  
騰驥定非久願我困蓬門寂寂愧株守秋風一送  
君離亭悵衰柳

題四

蟹舍漁航總未真霜枝愛看木蓮新蓼花紅處楓

林晚好認秋江舊主人

謝遷詩更爲  
秋江作主人

送王達溪明府歸山陰

杖屨遠道益淒其棠蔭偏多繫去思三載民推新

息長一時人廢蓼莪詩風裁蓮芍賢堪並

謂明介休令史

公詭事也家學文成近可師

明府爲新建後裔

他日寇君真可

借漫教終老故山陲

送梁欣木

好進離筵酒征輶爲小停翻因茲際別更憶昔曾  
經冥漠連灰洞蒼茫出井陘臨岐無限思空悵短  
長亭

題弇洲四部後用山谷韻



當時曾貴洛陽紙白雪樓高略相似風流轉瞬二  
百年標榜猶聞四十子四溟生惜詩盟寒玉石苑  
煩攻虞山何如布衣王與沈卷帙繁富嘉隆間

黃梅二株昨歲止得一花今歲並一花未  
作也戲成短歌用東坡十一月二十六日

松風亭下梅花盛開韻

去年驢背歸前邨瞥見一花清心魂今年一花更  
不見只應踈影愁黃昏憶昔寒齋有數本馨口不  
數南城圍層層蜜脾重蠟色融融紙帳生冬溫詎  
料大者忽化去遺兩小株榮霜暎一株兩株安足

較坐令寂寞嫌蓬門對此不覺感今昔空色真意  
誰忘言作詩聊復預爲地明年相待持金樽

冬日集隨分園次西郊韻兼憶田夫

歲暮荒邨遠市啣盍簪差喜永今朝空教慘綠還

稱少不解雌黃故自超

諸君頗  
競月旦

舊榻如鱗尊閣帖

新醅浮蟻試官窰詩人更憶王摩詰關塞魂歸未  
可招

季冬朔日作

雪已三冬少春還一月餘

明歲元  
旦立春

憑誰傾竹葉獨

自酌梅花

再過西郊書齋夜坐漫成二首

問字人初去談詩我再過吟懷連日好塵務逼年  
多達詎能齊物狂猶擬放歌不知下帷客投老近  
如何

謂帷  
爾

入夜鐘初動寒柯響宿禽書聲三徑寂茗話一燈  
深老去風情減年來雪鬢侵共知無至友後約好  
重尋

偶感

鄉里共沉浮平生馬少遊書將讐萬卷橋擬種千  
頭莫訝遼東豕從題閭道牛勞勞真自笑刺促不

能休

憶昨來京維風流接俊遊詩傳黃葉句人住白楊  
頭不舞羞羊鶴能書羨鄭牛

見樂天詩自注

只今餘十載

西笑未應休

一從歸故國那復競交遊俗客愁青眼年華感白  
頭有詩鑄買佛無畝佩龔牛煨火能相共東林訪  
惠休

觀棋二首

一枰坐隱計逡巡鑪火銷沉得失頻莫倚傍觀能  
歛手山中已誤爛柯人

問道何須更出奇  
漫漫黑白暫相持  
爭先一着人皆解  
國手從知屬阿誰

說餅二首

東哲曾誇作賦才  
金陵七妙略兼核  
何如玉屑銀泥語  
更有吳均著說來

牢丸真許羨通才  
坐愧饕殮日兩回  
謝氏食經韋氏譜  
閒教額祭入詩來

竹居枉過山房次日有詩見寄用韻答之

謝家羣從總能詩  
竹居西郊從弟屐齒相過慰所思  
我輩

自甘中散懶名流  
誰負子雲奇  
清言入座梅花馥

寒日臨窓竹影移莫道春光遷倏轉白來雙鬢已  
多時

古詩八首

陸雲乃好笑唐衢復善哭所貴有至性不在苟隨  
俗何爲今之人笑啼俱可惡覲面總難真寄情非  
一族倏轉已無端深藏且若谷詎知種火山更有  
照幽燭

朝來登隴阪翠然獨高望浮雲蔽天末所思未能  
忘積雪何栗烈凍木開蒼茫車輪不生角馬蹄安  
得方空闔時掩淚倚門日斷腸自非向子平無輕

去故鄉

太息三季後世遂多酒人陶公擬羲皇飲酒存吾  
真阮公謝臧否陶然保其身世俗日益遠形神自  
相親嗟余不能然空負頭上巾

歲暮寡人事塵氛生座隅蕭條掩蓬戶一室爲掃  
除夜長苦不寐卽事成長吁短檠寒不敵感激撫  
昆吾少壯能幾時白首空躊躇

燕趙多佳人亦復多壯士佳人可傾城壯士能致  
死越王軾恕蛙漢廷嘆禍水固知絕冠纓不以彼  
易此

青青道旁柳灼灼水中荷  
淒淒折柳辭盈盈采蓮  
歌草木本非異無如人意何  
寄身天地間悲歡空  
復多

朝見噪樹鳥暮看掉檐雀  
飲啄各自如棲息欣所  
托安知天池鵬復有堯時鶴  
是以丁令威華表感  
今昨貴人苦多營貧士愁  
落魄伐生率多方駐顏  
鮮大藥終古賢與愚共此  
一邱貉念之淚沾頤壯  
懷幾銷鏹

顧郎難衣食李生怪熏灼  
解禱不敢遺從者遞屏  
却古人重清節末俗笑索  
莫嗟彼夸毗子輕肥恣



儂薄

小除前六日西郊竹居疑齋過山房夜坐

小飲漫成

小窓相對一燈昏詩句連篇更細論正好擁爐寒  
夜坐恰逢祀竈比隣喧膠牙且薦春餠脆到手休  
辭臘酒渾試問東風明歲約同携重許款蓬門

人日燈下獨酌檢舊詩有懷田夫

千首惟應供覆瓿一杯聊復費當醞吟添白髮風  
懷減醉拂青萍酒膽靡舊業每慚鳩共拙新春爭  
訝鶴同癯艸堂恰又逢人日短檠殘編憶達夫

病中用韋蘓州韻

油窓上曉日青春卧病客聊讀長桑書未能謝藥  
石漠然渺心魂空齋已向夕應知春草生戶外寡  
行跡

病中得白廷樾內弟雅州信奉懷外舅素菴先生二首

萬里勞魚素春風解病顏如聞坐鎮易略悉轉輸  
艱時外舅以委辦軍需赴打箭爐地勢邛瀘合天文井鬼間平  
生仗忠節應許靖諸蠻

竹馬爭迎日重來感鬢斑外舅前以病歸茲復爲建昌監司地窮

九折坂天外大峨山盤錯方能別艱虞詎易還好

同漢丞相勲業著征蠻

時某公以大學士經略川事

病起偶作

映水梅初白烘雲杏又紅空齋人病起尚自怯春風

次韻酬西郊春夜卽事見寄之作

瘦骨多君問病餘心魂猶怯夜窻虛折肱屢試長  
桑術伏枕閒看本草書別浦綠楊春到後遠邨紅  
杏燕來初踏青他日饒頑健便許芒鞋信所如

雪中西郊過問余疾作詩見示用韻答之

問疾能相過，真看太瘦生。  
散花春雪好，入幕午風清。  
近事攢眉說，新詩逐字評。  
無何勿別去，擁絮獨含情。

凝齋瓶中杏花初開西郊有詩見示奉和  
膽瓶初許試春酣，仙李夭桃總未堪。  
無限閒情賦不得，淡烟踈雨夢江南。

踈踈雪意又闌珊，別是嫣紅一種看。  
最愛晚風梅謝後，數枝斜倚小牕寒。

李曉園招飲南邨園漫成

近郭幽棲好，連邨別構新。  
海榴紅照眼，灌木綠迎

人誰肆談天口吾耽漉酒巾只慚同襪襪觸熱未  
辭頻

南邨園雨後卽事次曉園韻

雨脚初收趁晚晴葛衣草履漫閒行探幽隨處供  
吟嘯觸熱無人費送迎小閣數椽延竹色虛亭四  
面納松聲素心倘許頻相過便擬棲遲遠世情

次素亭移竹韻

十萬青鸞尾分來只數竿自然成磊落依舊愛檀  
欒踈籟迎秋爽清陰納夏寒但須防過客不問主  
人看

立秋前五日友人招遊金魚溝三教洞以  
雨遄歸呈同遊諸君子

地接廻巒好門開別澗幽到來堪避暑坐處忽驚  
秋淪茗泉新汲催詩雨未休何當重過訪得似賈  
胡留

和韻

李游於藝

半嶺烟霞迥禪房曲徑幽爲消將去暑先占未  
來秋風雨催歸急登臨興未休哦詩吾漫與相  
對更遲留

三道河觀荷不果用前韻

數里城東路垂楊萬樹幽波澄瓜蔓水天淨藕花  
秋逸興誰能淺勞人自未休輸他高蹈客隨處得  
淹留

初秋一笑山房小集仍用前韻

畫軸兼詩卷閒評興轉幽泛杯仙掌露揮塵艸堂  
秋人並稱三益吾方號四休晚涼坐新月卜夜更  
堪留

再遊三教洞仍用前韻

洞壑烟霞迥重來曲徑幽草侵雙屐雨花放一簾  
秋大藥顏難駐浮生此暫休底須更招隱好借酒

杯留

一笑山房小集用西郊韻

偶爾成佳賞清言坐夕陽侵堦苔蘚合出水菱荷  
香貧賤交能久茶瓜淡可嘗亦如竹林數貴顯黜

山王

時同集者五人

偶作用前韻

亭午鳥聲靜淡然聞妙香風懷耽寂寞花木費平  
章蓬戶無人到匏樽獨自嘗邇來工唱和誰似輞

川王

謂田夫

中元日題凝齋悼亡詩後



一滴誰能到九泉

俗於是日墓祭

孤墳蔓艸復芊芊那堪

此日吟君句夢斷香銷二十年

時余喪元配白宜人已廿載矣

### 東郊晚步

綠楊低匝水村幽躡屐真堪散積愁僻徑雨荒芳  
艸夕遠天風急稻花秋江湖汗漫餘青眼歲月栖  
遲已白頭退谷祇今憑管領固應無地著鳴騶

秋日曉園招同馬碧山汪松軒王素亭高  
霽夫梁欣木集南邨園晚歸漫成二首

名園勝客幾招携松塵匏樽許共揮雅望扶風推

絳帳

碧山關中人

清華江左重烏衣

松軒江南人

蕭條池館

莎蛩語寂寞雲山塞雁飛歸路却愁明月盡夕陽  
風景思依依

醉歸又自習家池暝色遙看失翠微殘葉踈林風

瑟瑟孤邨遠火雨霏霏如鸞人尚聞孫嘯

席上聽碧山歌

抱甕誰能息漢機

盧照隣詩盤井漢機忘

且喜登高時節近

東籬佳興漫相違

重陽後三日過訪蘭谷素亭曉園皆不值

泥塗滑滑日將斜剝啄那堪又數家笑我頭顱增  
白髮羨人籬落有黃花一林霜葉秋逾好九日清  
樽興轉除惆悵相思不相見題詩空許咏蒹葭

秋杪同張鵠亭裴竹溪江夢艸王善述曹

樸園劉石橋張純學秦惺載梁欣木張熙  
如李曉園集蘭谷佳興園看菊用東坡韻

東籬雅負淵明耽時時策蹇來城南主人好我復  
招飲菊叢花徑還開三幽庭百本盛羅列名香已  
罷焚蟬蠶座客一時况妙選玉山雅集夫何慚佳  
色詎容誇老圃清輝直欲爭寒潭可惜我飲非大  
戶未能盡器成醺酣人生良會誠難得相遇慎勿  
爲常談法書名畫恣探討奇崛獨愛霜紅龕主人書法  
辨香青主平昔甚推重之有如嚴苦食諫果徐徐齒頰回餘甘

我年四十頭半白功名富貴百不貪好花朝看書  
夜讀紛紛城市誰能堪他時菟裘闢書舍一室定  
許題陶巷

和韻

江永建

林泉幽賞平生耽做廬曾結清淮南鳩來餓驅  
逐塵塚同居凡聖羞三三依人戢翼如籠鳥吐  
絲自縛真眼蠶隨行忽漫過菊圃花光照眼心  
懷慚故園佳種復幾許可憐家窸開秋潭幸逢  
地主解置酒華筵列坐供沈酣中有靜者識酒  
趣旁觀壁上霏清談閒情雅韻成獨醒香風拂

卷之三 詩集卷之三  
五  
拂生花龕更抒文藻發逸唱使我咀味生餘甘  
我輩對花惟快飲得母花笑人饑貪抽毫率爾  
繼高咏旅懷悵觸吾何堪聞道幽居富圖史何  
當談藝趨雲菴

翌日再集曉園南邨園看菊晚歸用漁洋  
山人修禊水繪園韻

南山蒼蒼秋日晴望遠時見炊烟生佳辰雖已過  
重九訪菊還爲南邨行南邨迤邐復幾里老圃踈  
籬皆有情況值追隨有上客紛紛車馬空秋城  
黃花繡錯敞幽閣主人愛客傾鑿落閒情詎必輸

陶潛雅調安從問，賀若鯉魚風起秋。  
氣深颯颯凋傷楓樹林，四座時聞作吳語。  
時座客多江左一曲憑誰聽。

巴音

我欲御風遊蓬壺，關山漠漠驚寒蕪。  
竹杖芒鞋不得逝，隨人又入郇公廚。  
酒酣白日忽將暮，秋光且喜爲花住。  
諸菊於秋杪始放座上有酒復有花，那能便驅

歎段去。

日暮天際紅霞明，盍簪今夕空復情。  
玉堂雅望溪蓮幕選樸園諸君西豪北里多逢迎。  
一年好景蟹初擘

一醉何妨傾一石，縱談法護詎不佳。  
善述爲清湖明府從兒縱

談甚  
豪  
意氣飛揚髯如戟

城南季鷹我老友

蘭谷

素心晨夕與我厚綿山山長

復勝流

鵲亭時主綿山書院講席

高才直欲擅八斗惟我名場

謝雄飛九秋風景欲沾衣自笑人比黃花瘦滿頭

擬揮黃花歸

錦瑟年華羨玉溪

曉園

酒邊感我轉淒迷昏鍾繼聞

出蘭若草間又咽寒蛩啼憶昔酤酒過燕市旗亭

畫壁春風裏迄今結習半消除猶向晴窓捉麈尾

平生不屑拾餘唾問奇載酒更誰過故人屢日相

招邀強爲名花起高臥籬下暗香襲我襟悠然一

聽山水音相對無言亦復好  
瑟瑟黃葉飄空林

歲鉤戰拇相諧嬉  
門前踈柳烏夜啼  
阿誰更詔射

雕手

是日較射園中

我才自愧如鈍槌  
濕衣忽作廉纖雨

解醒新茶似潑乳  
歸路應詫酒人譁  
並馬匆匆聽

街鼓

近郭初看野火紅  
略行一往豁通歸  
來稚子候

門隙三徑獨悵東  
籬空何年卜築  
向山麓一榻殘

編伴雲宿繞籬  
遍栽隱逸花  
滿徑兼種篔簹竹

我醉欲眠卿可去

時熙如與余同歸

秋風好景愁難住  
他

日重教過菊叢  
泣然詎獨爲  
庭樹良朋佳會不可



忘永和往事聞流觴只今賦詩感慨係髮短誰云  
心甚長

對菊口號

老瓦盆栽隱逸花空齋相對思無涯只宜爛醉蒲  
菊酒且可閒烹橄欖茶落落清秋人易感蕭蕭黃  
葉日初斜明朝試踏南邨路更過柴桑處士家

菊下獨酌用昌黎短燈檠歌韻

東鄰綺席清歌長北里華屋生輝光西園南樓有  
佳興願我何獨爲涼涼颯颯階除喧落葉殘編無  
數堆空牀平生不作平原客少年擬上賈生策撲

面塵慚冀北紅負塗豕愧遼東白卽今日日黃花  
前朝不櫛沐宵無眠舉觴白眼復放恣坐看暹峰  
落踈翠醉後長吟團扇辭秋風已自成捐棄

由佳興園晚過欣木半舫留宿

更不嫌殘客良宵又過君茶喧松竈火樹隱石堂  
雲古墨紅絲硯名書白練裙

欣木家世工書坐來頻感舊

空自惜離羣

時話田夫往事

獨坐

獨坐聊隱几寒月半窺戶萬籟寂不諱中懷結筮  
緒頗聞窸窣聲疑是齒飢鼠平生有微尚疲精事

稽古遺編積塵榻更僕未能數壯夫恥不爲樞商  
徒自苦夜深思悄然一燈照無語

容全詩集卷十一